


**BUKI DI LETRA
DJARASON 24 DIYANŪARI 2024**

**FESTIVAL DI
TUMBA**



LETRA DJARASON 24 DI YANÜARI, 2024



Outor de Letra: Jersey Isenia
Outor di Melodia: Jersey Isenia
*Areglista: Jersey Isenia/ Giovanni Mercera/
Albany Castro / Rudsel Boeis Comenencia*
Kantante: Marystella "Lady Ella" Bernabela
Agrupashon: Grupo Ritmiko Sablika

Ban parti Amor

Un sunchi p'abo, un sunchi p'é.
meresé.

Koro: Ata loke bo

E amor awe tum'é ku Fé
Est'un kalor e ta ofresé
Un sunchi p'abo, un sunchi p'é

Tenemi bou di bo hala, dunami keintura karnaval.
Abo so por trese e pueblo den emoshon.
Bo tin un lugá speshal wardá den mi kurason.
Abo no por imaginá kuantu t'e emoshon.

Awèl tenemi duru
Brasami fuerte
Ai mi pueblo tene mi man, tene mi man pa nos ban

Koro: eyden eyden

Koro: eyden eyden

{2x}

Duna amor su amor pasó e tambe tin koló. Ku un sunchi ta saludá antó
ku un brasa ta yama ayó.

Un sunchi p'abo, un sunchi p'é.
meresé.

Koro: Ata loke bo

Un sunchi p'abo, un sunchi p'é.
E amor awe tum'é ku Fé
Est'un kalor e ta ofresé
Un sunchi p'abo, un sunchi p'é

Koro: Ban tene mannan huntú, awe nos t'ei parti amor. {2x}

Tenemi duru, brasami fuerte
parti amor

Koro: awe nos t'ei

Ay mi pueblo tene mi man pa nos ban.

Karga bo kultura, hasi'é ku amor p'e krese

Solo:

Bira bisa bo bisiña di kurason bo ta stim'é. Hisa bo man na laira bin
konektá bo kurason

Koro: Tene mi man

Sali kaya bo ban
Ban kaya bo ban
Bon ta yama bon
Amor ta trese amor
Pregon liber

Kek: mustrami awó
Hasi'é awó di bo kurason. Awó awó

No tene bèrguensa, ta ruman nos ta.
Nos ta gosa huntú brasa otro esta bon!

Outor de Letra: Edion Booy / Marvin Snijders
Outor di Melodia: Edion Booy / Marvin
“Pikachu” Snijders
Areglista: Catipá
Kantante: Edion “Lòlò” Booy
Agrupashon: Catipá

Ei'tras

***"Mi pueblo preparabu.
Mi tin ko'i kontabu."***

Habri orea bon pa tende, ta kiko a sosode.

***"Mi pueblo preparabu.
Mi tin ko'i kontabu."***

Un kaso serio pero chistoso.
Lo bo kompronde.

Lagami sinta pami kontabu un historia.
Un suseso ku mi mes a pasa 'den.

Kon Djadumingu dia di marcha m'a pèrdè 'riba.

***"Bula lanta wak oloshi, ai mi ta lat, -
hopi lat".***

M'a dal un baño .
Bisti mi disfras

***"lihé lihé".
"kore sali unbé."***

Mi 'headpiece' mi 'headpiece'

"Ta na salida mi ta hañ'é".

M'a dal un baño .
Bisti mi disfras

***"lihé lihé".
"kore sali unbé."***

Mi 'headpiece' mi 'headpiece'

"Ta na salida mi ta hañ'é".

Shonan ora ma yega.

"Ya karnaval a ranka sali".

Ku hopi kore kore, ma enkontra mi grupo.

Anto m'a puntranan.

"Unda mi ko' ta.

Nan di

"Bo 'headpiece' ta patras. "

Aki?

"Nò, mas patras".

Aki nan?

"Nò, te patras".

Te eitras??

"Si, eitras, eitras, eitras."

Ora m'a haña mi 'headpiece'

Pa mi bistie.

E 'headpiece' ta mustra chikitu.

Mi di lagami wak ta kon e ta keda.

"Ma keda hink'é, sak'é (continues)

"E ko' a keda (pèrtá, }3X pèrtá, pèrtá)".

Pero ambiente eitras tabata bon bon.

"E ambiente tabata bon".

E ambiente eitras tabata zuiver.

"Eitras, m'a pasa bon".

Pesei ku mi ko' pèrtá.

"Ku mi ko' pèrtá"

"Ku mi ko' pèrtá, m'a keda eitras".

-Estribilio-

"Ku mi ko' pèrtá, m'a keda eitras"

"Pèrta pèrta m'a keda eitras".

Eitras tabata tremendo

"Ku mi ko' pèrtá, m'a keda eitras"

Eitras tabata fabuloso

"Pèrta pèrta m'a keda eitras".

Eitras tin dushi ambiente
Eitras a nami kipevel.
Eitras a nami kipevel.

**"Ku mi ko' pèrtá, m'a keda eitras"
"Pèrtá pèrtá m'a keda eitras".
"Ku mi ko' pèrtá, m'a keda eitras"**

Anto kon m'a keda
Mi headpiece
Haydioo

**"Pèrtá.
"Pèrtá pèrtá
Pèrtá}4X Pèrtá Eitras.**

Kon ma keda

Pèrtá Eitras. (continues)

Kon ma keda.
Dushi ambiente.
Den dushi ambiente.

Hesta bon m'a baila
Hesta bon m'a pasa
Hesta bon m'a gosa
Hesta bon m'a pasa
M'a haña 'kipevel'
Haña 'kipevel'
Pèrtá Pèrtá
Pèrtá Pèrtá
Ku mi 'headpiece'
Ku mi 'headpiece'

Nan di kumi.
Mi di ku nan.
Nan di kumi.
Mi di ku nan.

**"Bin bin bin bin bin dilanti."
"Nò nò nò mi ta keda eitras"
"Bin bin bin bin bin dilanti."
"Nò nò nò mi ta keda eitras"**

-MAMBO-

Outor de Letra: Xavier Navarro
Outor di Melodia: Xavier Navarro
Areglista: Derrel "Titi" de Palm
Kantante: Xavier "Dopi" Navarro
Agrupashon: Catipá

Tumbé

Preg: Atenshon, atenshon

Koro: Ban drenta rin ku un mishon

Koro: Ban drenta rin ku un mishon

Preg: Atenshon, atenshon

Awe indiskutiblemente

Lo bai bira, i lo bai ta, un dia grandi

Ora ku e atenshon di mundu lo

Bai mira i sigui e bataya bibu

Koro: Den e rin di kaya ahustá

K'e poder i forsa musikal

Koro: E t'e kampion internashonal

Ku 0 pèrdí, 0 tablá, 52 ganá

E t'e kampion di karnaval

Ku den 6 minüt e ta kaba kos

Pesei

Preg: Atenshon, atenshon

Koro: Ban drenta rin ku un mishon

Koro: Ban drenta rin ku un mishon

Preg: Atenshon, atenshon

Karnavalista nan den revancha
Ta wak pa tumba no tumba nan
Den tribuna nan kant'i kaya
Tur hende ta riba pia

T'un kompetensha elevá
Koro: Amistoso i sensashonal
Ku músika i fantasia
Pa mira ken ta yega final

Dale tumba
Pa mi dal un piesa
Dal un buèlta
Kaba dal un beter

Koro: Den rin
Koro: Den rin
Koro: Den rin
Koro: Den rin

Karnavalista marcha drenta
Tumba sak'un seis por ocho
Awe si kachaka bòltu
Bo tei buta mi ta klaba

Koro: Mirayaaaa

Koro: Ela sak, lanta, skùin e

Koro: Sak, lanta, skùin e.....2x

Preg:

Awe tin mamament'i gai di otro
Mi tei bende mi kueru karu nabo
Awe t'un otro gai lo kanta
Awe si no yobe lo pinga

Koro: Sak, lanta, skùin e
Koro: Sak, lanta, skùin e
Koro: Sak, lanta, skùin e
Koro: Sak, lanta, skùin e

Brug: El a sak bai den skina, pero ata tumba dale badam
Duru riba pia pero ata tumba dale badam
Mucha ki ta fuerte pero ata tumba dale badam
Maske ela keda riba pia, pero e tumba dale, Badam Badam Badam

Ranka:

Siña mucha konta lucha
Siñé tur triki den rin
Or'e bira un bon bòksdó,
Ta bo te promé ke ta yama afóó

Preg:

Pesei tumba mi kebo
Den seis por ocho
Den e rin di kaya
Kaminda ambiente ta sinta
Ta un lucha amistoso
Riba músika i baile
T'un fantasia den ekspreshon
Ku diversidatnan sensashonal

Koro: Dal'e pami
Koro: Dal'e pami
Koro: Dal'e pami
Koro: Dal'e, dal'e
Koro: Dal'e pami
Koro: Dal'e pami
Koro: Dal'e pami
Koro: Dal'e, dal'e

Kek:

Ata tumba dale
Bo ta sinti'e koi
Wak e tumba krese
Bo ta sinti'e koi

Koro: Badam
Koro: Badam
Koro: Badam

Ate tumba dal'e
Dal e lenks
Dal e reks
Links reks

Koro: Ayayai
Koro: Ayayai
Koro: Ayayai

Sák

Koro: Ayayai

Ate tumba dal'e

Koro: Ayayai

Dal e lenks

Koro: Ayayai

Dal e reks

Koro: Ayayai

Links reks

Sák

Koro: Ayayai

Preg:

Ke poder i forsa musikal

Koro: Dal'e pami

Awe tumba zona

Koro: Dal'e, dal'e

Preg:

Fey sta maria

Koro: Dal'e pami

Bai kab'e na otrabanda

Koro: Dal'e, dal'e

Karnavalista a demostrá

Koro: Dal'e pami

Abilidadat den baile i goso

Koro: Dal'e, dal'e

Anto e públiko ta gosa

Koro: Dal'e pami

Ku hopi gane subi rin

Koro: Dal'e, dal'e

Tolondra di fantasia

estribillo:

niun hende un por ninga
e manera ku e ta e
plasentero i amabel
su biografia ta parti nos herensha e

karnaval t'un shon di hende.
t'un shon di hende.
karnaval t'un shon di hende.
t'un shon di hende.

oh oh shon,

shon Karnaval na grandi ta bira
aweeeeeee ta dia di bai
ta dia di rat ta konose
duna ta duna

shon Ka
shon sera
shon grandi
te na porti shon arei

shonnan

bin mira karnaval
hest'un shon di hende e ta
den salon di fama e ta
ya esei ta probá
bin sinti e alegria
bin sinti nos union
mi petishon na karnaval
por fabor lag'e tumba dal
duna honor na nos shon
esei mester ta nos mishon
ta nos kultura
ku nos ta selebrá

or'e pasa ba grita

ooooo shon
ooooo shon
ooooo shon
ooooo shon

ela yanga ba keda
ba wak su dilanti
ba wak su tras

shonnan

hala ban pariba
tin mas kos di mira
ambiente ta reina
hende ta gosa
ku man na laira
den Otrabanda
t'esaki ta mi shon
ta shon di hende e ta

ooooo shon

riba hilchi haltu
den su pegaditu
kurp'i gitara
e ta yanga pasa
Oh hooo
Oh hooo
Oh hooo
heeeeeyyyy

eh eh shon
ata shon a gusta
ata shon ke mas
e ke hasi bochincha
grita shon.....

mambo:

*Outor de Letra: Marvin 'Pikachú' Snijders /
Ingemar 'Appel' Pietersz
Outor di Melodia: Marvin 'Pikachú' Snijders /
Ingemar 'Appel' Pietersz
Areglista: Angelo "Borrel" Dopwell
Kantante: Igmar La Reine
Agrupashon: ERA*

Konmoshon Galáktiko

Koro: Korsou, atrobe bo ta den notisia.

Mundu kompletu ta den espektativa.
Pa loke ta pasando.

Koro: Korsou, atrobe bo ta den notisia.

Un fenómeno astronómiko, úniko i magnífiko.

Koro: Ta kiko pasa?

Shonnan, hala bin aden.

Koro: Ta kiko a soso?

Tur signo a disparsé.

Koro: Den kurason di Santa Maria.

A surgi un radiashon di tumba.

Koro: Ku a trese disturbio den galaksia.

Pone tur strea baila.

Kita fo'i lugá, lugá.

Alarmante, i tambe impreshonante.

Kontselashonnan tur ta baila rib'e ritmo di tumba.

Nos sa ku Karnaval ta fiesta di tur hende.

Asta mi signo nan n'

Koro: I pa tur hende.

Koro: por keda 'fó, afó.

Ora ku tumba ta zona.
 Sagitario ta baila
 Pisís ku Libra.
 Tauro ku Skorpio

Koro: Djaki banda.
Koro: Djaya banda.
Koro: Djaki, djaki.
Koro: Djaya, djaya.

Tumba a dal ku energia
 Te den mund'i astrologia.
 Galaksianan a bira loko.

Koro: Streanan ta bira loko.

Mundu trankilisá.

Koro: Karnavalistanan a detektá.

Si bo tira bista den shelu ayá.
 Mira kon e streanan a forma.

Koro: Un kadena di kurason.

Den tur e konmoshon.
 Shonnan, a nase un signo nobo.
 Si bo ta gusta ambiente.
 Biba ku hermandat.
 Biba ku kurason pa Karnaval.

Koro: At'é
Koro: At'e signo
Koro: É signo

Koro: Kòrsou, ata bo signo. }2X
Ata nos signo Karnaval.
Kun'é, kun'é, mi ta bai.
Kòrsou, ata bo signo Karnaval.

Kòrsou, bo strea ta haltu atrobe.

Koro: Kun'é, kun'é, mi ta bai.

Fo'i tur parti mundu nan ta kontemplá bo fiesta.

Koro: Kòrsou, ata bo signo Karnaval.

Universo mes a konfirmá, kon dushi e ko'ki ta.

Koro: Kun'é, kun'é, mi ta bai.

Premiá bo ku un signo ku ta úniko na mundu.

Koro: Kòrsou, ata bo signo Karnaval.

Kòrsou, ata bo signo, ban subi kaya.

Koro: Kun'é, kun'é, mi ta bai.

Kòrsou, ata bo signo shonnan, ban subi kaya.

Koro: Kòrsou, ata bo signo Karnaval.

**Koro: Kòrsou, ata bo signo.
Esaki ta di nos.
Karnavalistanan a present'è.
Ban kaya ku nos kos.**

Mi amuleto di suerte, bo ta grabá den mi kurason. **Koro: Awó tin ko'.**

Streanan lusi e kaminda, ta ku mi signo mi ta bai. **Koro: Bria nan ke ko'.**
Tur bista ta riba nos.
Sali broma ku nos kos
Fo'i Santa Maria.
Mir'e streanan ta bria.

Anto mi signo Karnaval. **Koro: Kun'é mi ta bai.**
Kun'é mi ta selebrá.
Mi signo Karnaval.
Kun'é nos ta basilá.
Tumba a dal ku energia.
Te den mund'i astrologia

Kòrsou, bo ta grandi.
Est'un momentu inolvidabel.
Bo signo ta bria.
Est'un momentu di alegria.
Laga mi wak bo signo.
E form'i kurason.
Laga mi wak bo signo.
Señal di kurason.

Koro: Horóskopo ta bisa.

Ku e aña 'ki lo ta fenomenal.

Koro: Horóskopo ta bisa.

Kòrsou lo ta mas uní ku nunca.

Koro: Horóskopo ta bisa.

Mira nos ku nos ta selebrando den euforia

Koro: Horóskopo ta bisa.

His'e kurason ban zuai e.

Bo signo

Koro: Zuai'é, way'é, way'é. Way'é!!

**Koro: Zuai'é, way'é, way'é. Way'é!! }3X
Way'é }4X**

Sali kaya ku bo signo.

Sali selebrá.

Ke signo di ambiente.

E signo di amor.

E signo di pas.

Nos signo Karnaval.

Koro: Bria nan ke ko'.

(ta kontinuá)

Outor de Letra: Robertico Benoni Balentien
Outor di Melodia: Robertico Benoni Balentien
Areglista: Dwight Leoneta
Kantante: Robertico Benoni Balentien
Agrupashon: ERA

Topá mi den goso

Intro: Koro: Heeeee 2x

Koro:

**E aña ki ta style di Zongo
mi tei topá bo rib'e ruta**

Kanta: Manera e 52 ta figurá

Koro: Mi tei topa bo rib'e ruta

Foi Sta Maria

koro: Ban Topa

Te na Awasá

Koro: Ban Topa

Paradijs, Marchena, Habaai, Sta Helena te otrabanda **Koro: Ta Topa**

Koro: Topa mi Topa bo top'e den kaya ... heeeyyyy

51 biaha nos a sera aña pa bolbe topa Karnaval

E te tempu di mas dushi kaminda hende ta topa **koro: Heeeeeendeee**

[Shout]

Karnaval 52 ta bolbe hinka nos den Goso

Manera e sifranan uni den hermandat nos tei topa otro

Ay ta foi apertura. **Koro: Mi ta bai topa bo**

Festival di tumba

Djadumingu mainta

Koro: Te dia kima momo

Seru ku Seru no sa topa yu di Mama ku Mama si
 Humanidat mes ta eksistí pa topament'i Adam i Eva
 Batay'i Titan nan den historia ta topament'i Monarkia
 Awe pa mundo mes por draai nan tur mester di otro

Awel ta ki nos ta warda
 Den karnaval su legria
 Den ekspektativa

Koro: Pa nos topa otro

Koro: 'Trilla in Manila'

Awe nos tei Sta Maria,]

Na episentro dje bembe]

Koro: Ohoo hoooo

paso ta topamentu tin] repeat koro

Koro:

E aña ki ta style di Zongo

mi tei topa bo rib'e ruta

Kanta: Si ta den Grupo of kant'i Kaya para

Koro: Mi tei topa bo rib'e ruta

Foi Sta Maria

koro: Ban Topa

Korsou kompletu

koro: Ban Topa

Manera e 5 ke 2 den kara di otro, Den Goso mi tei topa bo
 <<<Estribillo>>>

Koro: Den Goso mi tei topa bo.

Seru ku Seru u'n sa topa yu di Mama ku Mama si

Foi Sta Maria riba ruta te na awasa

Manera bo wak mi smile saluda ku'n brasa dushi

Bin bo topa mi bin bo topa den e Goso

Koro: e aña ki ta style di zongo, mi tei topa bo.

Manera e 5 ke 2 ay kara kara mi tei topa bo
Pesei ban Sta maria
Ribe ruta te Awasa
Episentro dje bembe
Einan e kos tei sinta
Man na Laira
Biba bo Kultura
Drenta den mi goso
Pa nos marcha te final

Koro: Ban topa

Mira nos awe bonchá den Goso

Mira nos den Goso

Selebrá nos Karnaval
Manera nos so por
Den unión i hermandat
Ku man na Laira
Gosa Karnaval
Tur Grupo Desfila
Pa Korsou por Disfruta
Ta nos fiesta Kultural
I riba dje no tin igual
Man'e den zongo mi ke topa
Na sede of den Grupo
Na 'dranghek' of den stelashi
Pa nos gosa karnaval,

Koro: Ata nos den Goso,

Koro: Hey Bro, Hey Sis

Si bo wak mi den kaya
Kanti kaya of den Grupo
Ku man na Laira

(shout)

Wak bon skonde bo kara

Koro: Kuminda

Koro: Kuminda

Koro: Kuminda 1-2-3 hey



Kick:

Topa mi, topa bo, tope den kaya

Bailando gosando tur aki aya

Tur hende ku hende ku man nan na laira ... heeeee kombai

Mira nos awe bonchá
Den unión i hermandat
Ku Man na Laira
Ta Gosa te final
Korsou den Goso
Kurason ku Karnaval
Di Korsou pa mundo mira
52 den Goso

Koro: Den GOSO

<<<Mambo>>>

Outor de Letra: Ike Jesurun
Outor di Melodia: Ike Jesurun
Areglista: Ike Jesurun
Kantante: Ike Jesurun
Agrupashon: Doble R Puru

Eh eh, at'e wega

E la kuminsá, e la kuminsá,
E fiesta di tur aña ku nos ta selebrá
Ai mi tata dushi, ta ki tei pas' awé
Tin un fiesta grandi, tin un fiesta dushi
E fiest'i pueblo ku weg'i yoyo den karnaval
Esta dushi rebibá mi hubentut
Den klasmulatoweg dilanti ka'i Mayo
Muchanan di barío ku fli den man I kapo
Weg'i bleki bleki tambe tròm

KORO: E WEGA

Awendia nan tur a bai pèrdí
Riba telefon tur hende ta dibertí
Henter famia huntú, nan tur kabes abou
Bo'n ta tende boe bon ta tende ba

Gai a kab'e kanta, ta or'i lanta para
Pone, telefon un banda, Karnaval ta warda

Mi tei parti Yoyo riba kaya i stelashi
Boso basha bin, kue bo Yoyo ban hunga

KORO: E wega
KICK: Hunga kuné

Lora hilu den dede grandi
Laga yoyo bin baila awe
Riba kaya o stelashi
Pone tur telefon un banda

Koro: zjup
Lage subi

Koro : zjap
Lag'e baha

Koro: zjup
Lag'e subi

Koro: zjap
Lagé baha

Koro: Kaba nos ta drai...drai...drai... drai....
Drai,,drai....drai...drai...
Drai...drai...drai.....

*Outor de Letra: Milangelo "Oko" Dap
Outor di Melodia: Milangelo "Oko" Dap
Areglista: Randal Corsen
Kantante: Jennifer "Jenny V" Virginia
Agrupashon: Doble R Puru*

Na bo saya tin pegasaya

Mirayá, wetayá...ehé,... Mirayá, wetayá...ho, ó
Ta Yaya, den kaya, ta waya, ku saya

E t'un bon wela, un bon mama, un bon madrina
Yaya ta su nòmber di kariño
Yaya stima hende asina tantu
Ku tur mucha ta su nietu, tur hende grandinan ta su yu
Ta famianan di serka of djaleu
Mahinta e ta sali na pia foi Santa Maria
Pa kibra di atardi porfin yega Otro Banda
Porta pa porta eta para kuminda
Pa tur hende e komplase ku su bisit'i dòkter
E gusta bisti saya
Semper ku karkas i kóla
Kosé ku hopi buya
Ke mihó diseño, estilo i moda, fantasia i arte
Djaleu tur hende sa ku e ta bin
Pa su ambiente dushi, bochincha i beheit
Pa pega su tras, marcha tras i kompañé
Tur hende ta buska pa pega na su saya

Nan ku brasa habri
 Kontet'l mire
 Pa nan kompañé
 Eta nos pret'l wowo

Koro: Ta Pega
 Ta bula pegané
 Ta Pega
 Ta bula pegané

Hende kanti kaya
 Ta hasi seña pa mustre
 Nan a grite, bise, kante

Koro: Yaya nabo saya tin pega saya

Koro: Yaya nabo saya tin pega saya...2x

Preg: Yaya mi ke bosa
 Na troshi i na boshi
 Nan a disfrasá nan kamuflá, pone atifas
 Fèrfelu pa kitanan

Koro: Yaya nabo saya tin pegasaya
 Yaya nabo saya tin pegasaya
 Yaya nabo saya tin pegasaya
 Yaya nabo saya tin pegasaya

Yaya ba yayami, Yaya malkriabu, Yaya kore kaya, nos ku nos a pega ne
 saya.....2x

Manera koncha riba baranka, Mane magnet ku heru

Koro: Pega nos ta

Mane raís ta brasa tera, anto tumba na karnaval,

Preg: Tur pegasaya'we
 Na troshi l na boshi
 Na saya di karnaval
 Ne zòm di karnaval
 Yaya a lanta nos
 Ku amor l union di famia
 Un bia pa aña, ta bini huntu
 Ku fiesta grandi, ta selebrá

Koro: Pega bati ban

Preg: Dal bo maskarada
 Awe pone antifas
 Yaya karnaval
 Ta gusta fantasia
 Pé tur banda ta toka

Koro: Pega bati ban

Kick: Awo ken Yaya ta, ken eta **Koro:** Eta mane mi mama...2x
Bula bula bin pega, Awo bula bula bin pega,
bula bula bin pega pa nos ban, ban, ban,ban...2x
Bula bula bin pega, Bin bula bula bin pega,
bula bula binm pega pa nos ban, ban, ban,ban...2x

Preg: Tur pega saya'we **Koro:** Pega bati ban
Na troshi I na boshi
Na saya di karnaval
Ne zòm di karnaval
Yaya semper a bisa

*Outor de Letra I melodia: Marvin "Pikachú"
Snijders / Ingemar "Appel" Pietersz
Areglista: Randal Corsen
Kantante: Jefdaney Manuela
Agrupashon: Excellence*

E ruta di bida, bo tin ku kan'é

Kana, kana, kana, hisa pia but'é, ban kana.

Koro: Haiaiai.

Maske solo kontra solo.

Koro: Mi destino, lo mi yeg'é.

Den goso bo tinku kana.

Koro: Trapa bai.

Marcha huntu pa nos yega.

Koro: Haiaiai.

At'e rout'i karnaval.

Koro: Ta mi ruta.

Nos ruta.

Koro: Mi destino, mi t'ei kan'é.

Nos bida t'un kaminda largu.

Karga ku goso i bendishon.

Yená ku soño i deseo.

Koro: Semper traha duru pa bo logr'é.

Kontemplá bo metanan.

Prepará pa kontra tiempo.

Desafio ta parti di bida.

E weg'i bida bo'n por gan'é.

Maske ke ruta ta largu.
Kanta, bail'i gosa.
Determiná pa nos kana yega te final.
no' yega.

Koro: Selebr'è.
Koro: Man'e bo ke.
Koro: Sigui kana pa

Korsou kompletu riba pia.
Kanando e ruta di bida.
Kompañá pa tumba. refuerso pa nos alma.
no' yega.

Koro: Selebr'è.
Koro: Man'e bo ke.
Koro: Sigui kana pa

No ta importante kuantu bes b'a kai.
Koro: Ta importante kuantu bes b'a lanta bèk.

Si bo mira mi na rudia, ta pa pidi forsa djariba.
Pa den union, Kòrsou kompletu por sigui.

Koro: Kana kana kana"
Hisa pia but'è, ban kana.

Koro: Haiaiai.
Maske solo kontra solo.
Koro: Mi destino, lo mi yeg'è.

Den goso bo tin ku kana.
Koro: Trapa bai.
Marcha huntú pa nos yega.
Koro: Haiaiai.

At'e rut'i Karnaval.
Koro: Ta mi ruta.
Nos ruta.
Koro: Kaná kaná mi ta bai'è.

(estribiyo)



Fo'i Santa Maria, mira mi marcha ta kana bai.

Koro: Kaná, kaná, mi ta bai'é.

E ruta di mi bida. Ta nos rut'i Karnaval.

Ban kana ku firmesa. Shonnan, kana ku Fe.

Kada paso dilanti ta mas serka di viktoria.

Kana, kana, kana rib'e rut'i bida.

Kana, kana, paso bo tinku selebr'é.

Shonnan, ora ta sigui.

Koro: Kana.

Mira kon trabounan ta keda.

Koro: Kana.

Anto tende kon mi tumba ta.

Koro: Kana. }4X

Nos ta un pueblo luchadó, ku sa di move yangadó.

P'esei mira mi marcha.

Koro: Kana e ta kana bai. }3X

Kon e ta kana bai.

Kana e ta kana

Nos march'i karnaval.

Kana e ta kana bai.

Ata tumba na timón.

Liñá den direkshon.

Pueblo ta gosa.

Kòrsou ta selebrá.

Riba ruta di historia.

Nos ta deklará viktoria.

Kòrsou su meta ta fihá.

Pueblo, kana pa nos yega.

He shonnan, tur grupo ta kana bai.

Prins ku Pancho, ta kana bai.

Hei mira mi Reina, yanga e ta yanga bai.

F'oi Santa Maria.

Trapa subi St. Helena.

(Basilón):

Mi pueblo lanta pa nos ban.

Koro: Kamind'e marcha ta bai, eynan mi ta bai.

Maske nos pia kansa.

Koro: Kamind'e marcha ta bai, eynan mi ta bai

Hó rib'e ruta di bida.

Mira bo bai'é. }3X - Kana. }4X }2X"

Rib'e ruta tin ambiente.

Rib'e ruta tin union.

Esta bunita batat'i pia.

Sigui trapa pa nos ban.

Tende mi tumba ta kana.

E marcha ta kana bai.

Karga nos joya kultural.

Nos prenda Karnaval.

Koro: Kana e ta kana bai. }3X

Kana e ta kana

-MAMBO-

*Outor de Letra I melodia: Marvin "Pikachú"
Snijders / Ingemar "Appel" Pietersz
Areglista: Randal Corsen
Kantante: Jefdaney "Nani/Jef" Manuela
Agrupashon: Excellence*

Bo tin ku keda wak mi'

Ba yama mi afo awo mi tei bin aden 2x

Ku masha euforia ba bin broma mi
Dje traje ke aña ki bo tei huza den karnaval
Anto pa kolmo bo ta reta mi
Bisando ku ami lo no por kompeti
Wel mi shon mi tei bedei bo
Ku di tantu ku mi ta stima karnaval
Ma bai te francia bai sigui un curso
Awe mi ta diseñado y ma bin pa mi buta ko
Ma bin pa mi aporta den nos gran fiesta nashonal

Koro: alelulai ta mi luga

Koro: kambie korona pa karwei

Foi na salida lo mi sali lusi

Koro: Na st.maria dal mi kick sigui bai

Koro: Aki si un tin ganga

Koro: Anto (tambe) ora mi yega marchena ?

Koro: aki nn ta kamindi yongota (heso)

Koro: aki nn ta kamindi kokobia

Koro: aki nn ta kamindi yongota

Koro: aki nn ta kamindi kokobia

Koro: lo mi tin tantu glamour ku bo tin ku keda wak mi.
Ora mi drenta hanchi polar e admirashon lo ta total

Koro: lo mi tin tantu glamour ku bo tin ku keda wak mi
Si bo ke of no bo tin ku keda wak

Koro: wak mi (3×)

Bo tin ku keda
Bo tin ku keda
No bon por yuda
Den roodeweg
Den otrabanda
Djariba te abou
Dilanti patras
Ba guste
Ku mi headpeace
Ku kola
Mi schoulder peace
Mi handshoen di stenchi

Koro: He bo ta keda

Koro:
Mi shal di payette

Koro: Ta kos di mi kultura
fieldat na dje ma hura
Kisas ta mi lokura pa zoya mi sintura 2×

Zoye
Zoye
Zoje no
Focus
Asinaki



Ku mi headpeace

Koro: Wak mi

Mi handshoen di stenchi

Koro: Wak mi

Mi schoulder peace

Koro: Wak mi

Den kaya kora

Koro: Wak mi

Ambiente total

Koro: Wak mi

Koro: lo mi tin tantu glamour ku bo tin ku keda wak mi.

Ora mi drenta hanchi polar e atmirashon lo ta total

Koro: lo mi tin tantu glamour ku bo tin ku keda wak mi

Si bo ke of no bo tin ku keda wak

Koro: wak mi (3x

Bo tin ku keda

Koro:

He bo ta keda

Koro:

Bo tin ku keda

Koro:

No bon por yuda

Den roodeweg

Den otrabanda

Djariba te abou

Dilanti patras

Ba gustu

Ku mi headpeace

Ku kola

Mi schoulder peace

Mi handshoen di stenchi

Mi shal di payette

(mambo)

Koro: Ta kos di mi kultura
fieldat na dje ma hura
Kisas ta mi lokura pa zoya mi sintura 2×

Zoye
Zoye
Zoje no
Focus
Asinaki

Ku mi headpeace
Mi handshoen di stenchi
Mi schoulder peace
Den kaya kora
Ambiente total

Koro: Wak mi
Koro: Wak mi
Koro: Wak mi
Koro: Wak mi
Koro: Wak mi

Koro: Ta kos di mi kultura
fieldat na dje ma hura
Kisas ta mi lokura pa zoya mi sintura 2×

Zoye
Zoye
Zoje no
Focus
Asinaki

Ku mi headpeace
Mi handshoen di stenchi
Mi schoulder peace
Den kaya kora
Ambiente total

Koro: Wak mi
Koro: Wak mi
Koro: Wak mi
Koro: Wak mi
Koro: Wak mi

Koro: wak mi. 2×

Bo tin ku keda wak mi

*Outor de Letra: Gregory Colina
Outor di Melodia: Gregory Colina
Areglista: Gregory Colina
Kantante: Semariël "Semii" Marten
Agrupashon: Excellence*

Palabra kla ta-ta

Pregon: Ata'ki Ata;ki

Rudia, **Koro: klata klata**
Sintura, **koro: klata klata**
Bo lomba, **Koro: klata klata**
Bo brasa, **Koro: Klata klata**



Koro: Tumba

Bin chumba , bin koncha, bin boncha, bin gosa

Koro: atak'i 5x

Sali kas e ora a jega, **Koro Sali kas e ora jega**

Kaya a yama tumba ta yama, **Koro:Sali kas e ora a jega**

Voice:

Unda bo bora mi ta klaba

Klata klata palabra kla

Wak bo jega te dilanti

Koro paso dilanti ta mas dushi

Atabo pidi atabo haña

Hesta dushi ta baila tumba

Mi ta kla pa habri afo

Koro: ohoh

Sali kas e ora a jega, **Koro Sali kas e ora jega**

Trapa kaya, trapa ku pia, **Koro Sali Kas e ora a jega**

Kaya a yama tumba ta yama, **Koro:Sali kas e ora a jega**

Esta dushi nos tei pasa, **Koro: Sali kas e ora a jega**

Konfushon 2x , Diskushon 2x , dikon dikon mi tumba a kita foi kaya

Koro: Kultura, Ta di nos e ta, **Koro: di yu Korsou, awo ba bora nos**

tei klaba Koro: awor

Estribillo:

Koro Palabra kla 3x

Unda bo bora mi ta klaba, **Koro: palabra kla**

Klata palabra kla, **Koro: palabra kla**

Koro: Klabe Pa bo sintie

Koro:Klabe,

Pregon: Ay ban klabe, **Koro: Ay Klabe**

Pregon: Baile baile **Koro: Klaba bo tumba**

Pregon: Pabo sinti'e **Koro: esaki ta nos, Yu di Korsou !**

Koro:Klabe,

Pregon: Ay ban klabe, **Koro: Ay Klabe**

Pregon: Baile baile **Koro: Klaba bo tumba**

Pregon: Pabo sinti'e **Koro: esaki ta nos, Yu di Korsou !**

Pregon: Sali kas klaba bo tumba

Koro: Kla, ta ta! tumba klaba

Tumba ranka mi kultura

Rank'e, promov'e, tok'e, di nos e ta tòg

Hesta dushi ta marka paso

Den kaya ta Klaba tumba

Bora bora bora bora bora bora bora mi ta klaba

Pidi pidi pidi pidi pidi pidi pidi bo ta haña

Tumba pa rumba

Rumba pa tumba

Kana riba bo ruta

Sigi kana mi tumba

Chumba chumba koncha koncha boncha boncha hey.2x

Ata'ki Ata;ki

Kick

Pregon: Ata'ki Ata;ki

Rudia,

Koro: klata klata

Sintura,

koro: klata klata

Bo lomba,

Koro: klata klata

Bo brasa,

Koro: Klata klata

Klatata 2x

klatatatatata

Klatata 2x

klatatatatata

Trapa Kaya Trapa ku pia

Tumba karga mi kultura

Rank'e, bail'e, gos'e

Chumba chumba koncha koncha boncha boncha hey..2x

Ata'ki Ata;ki

Kick

Pregon: Ata'ki Ata;ki

Rudia,

Koro: klata klata

Sintura,

koro: klata klata

Bo lomba,

Koro: klata klata

Bo brasa,

Koro: Klata klata

Klatata 2x

klatatatatata

Klatata 2x

klatatatatata

Trapa Kaya Trapa ku pia

Tumba karga mi kultura

Rank'e, bail'e, gos'e

Mambo

Splikashon di tumba: E tumba ta splika ku ta tumba mester toka paso e ta di nos y te ta nos kultura. Tumba ta papia Palabra Kla ta! ta!

Palabra Kla ta-ta= ora un palabra ta kla, nos ta bisa “ta” pone un “ta” mas pa dòbel aksento riba loke bo ke bisa. Ki ora Tumba toka e ta papia un palabra Kla.

Bo por Chumba, Koncha, Boncha y Gosa tumba ala bes. Asina dushi e ta

Unda bo bora mi ta klaba= unda bo disidi bai, mi tambe ta bai, pues no bini ku ekskusa pa nos toka tumba. Dal e martin riba e kabes dje klabu, ban toka tumba.

Tumba a kita foi kaya= ta trata kontinuamentu di stop di toka tumba den karnaval y bin ku ritmonan ajeno

Klaba bo tumba= Sorù bo toka bo tumba. Tuma bo chens pa toka bo tumba.

Tumba pa rumba y rumba pa tumba: Komo ritmo Yoruba, Rumba Columbia di Cuba ta e ritmo 6/8 ku mas ta relfaha nos herensia di Afrika y tumba parse e ritmo aki masha hopi mes. For di akinan tur e desaroyo di klave a bin. **Y Rumba pa tumba di Glenn Thomas,** ta un programa ku ta den reskate di tumba kontinuamente y nos ta honre asina tambe..

Rima riba: “a”, rudia, sintura, lomba, brasa, chumba, koncha, boncha, gosa, yama, juga, klaba etc.

Outor de Letra: Roald Balentien
Outor di Melodia: Roald Balentien
Areglista: Jerrel Paulina
Kantante: Sherendly "Neny" Domacasse
Agrupashon: Excellence

Ta ko'dj'asina

Aki tin ambiente pa parti

Koro: Ta ko' djasina

Nos t'un pueblo ku sa kon selebrá

Anto sigur pa karnaval

Nos ta semper 'ready' pa selebrá

Un pueblo ku su krekeché

Pero semper nos ta tene fe

Biaha konosé mundu disfruta, pero paraiso ta aki mes

**Nos ta bati kabes, lucha pa bai dilanti pa na momentu di selebrá nada
n' por stroba nos**

Beter ku goso, kome hasi ko'i goloso

Asina tin ko'i selebra

Koro: Nos ta biba den goso

Hende kontentu, ta baila ku baila

Grandi y chiki

Koro: Nos ta biba den goso

Miéntras tumba ta zona

Paranda aki aya, nos ta gosa bida ruman *Koro: Nos ta biba den goso*

Den un mundu di hopi opinion

Tin kos tambe ku ta asina ta

Koro:

No sa tin huma sin kandela

Ni nietu sin su wela

Manera nos ta stima I gosa karnaval *Koro: Aki na mundu n' tin igual*

Koro: Asina e ko' nan ta

Den bon i malu nos ta saka nos sòm pa selebrá nos karnaval

Tumba ta nos kos, ta nos herensia I nos ta biba p'é

Mi pueblo ta kla pa gosa asina ku tumba zona, dushi asina

Koro:

Kurason di un pueblo ta bati pa nos fiesta

Bula ariba, kai abou esaki ta nos teima

Koro: Ta ko' djasina

Keremi, keremi kere Dios

Eheeeee

Un pueblo ku stima fiesta

Un pueblo ku sa ta kon

Nos ta baila tumba

Nos ta gosa anto pasa bon

Selebrá nos kultura

Nan no por gana nos

Ta aki nos ta gosa

Ta nos sa ta kon

Un pueblo ku stima fiesta

Un pueblo ku sa kon gosa

Wak mi pueblo, kon e ta gosa

Pasó nos ambiente ta

Koro: DUSHI ASINA

I nos ta gosa

Turista nan

Grandi I chiki

Nos karnaval

Nos festival

Nos ta celebrá

Koro: Ta ko' djasina

Ta asina ta

Den nos sanger e ta sinta

Esaki ta nos kultura

Nos ta biba p'e

*Outor de Letra: Guershon Nahr
Outor di Melodia: Guershon Nahr
Areglista: Ravello Antoin
Kantante: Guershon "Chony" Nahr
Agrupashon: Gentz Tre'Chic*

Karnanet

Koro: Den karnanet (4X)
Ambiente tin Goso tin
Alegria tin
Kos bunita so

Karnanet un tapeit di alma
Den tur konekshon nos unidat ta reflehá
No mester di klek ni "tab" ma ku mirada kurasonnan dushi ta
konektá
pa e meta keda lográ

Den tur reto
No mester di Google

Koro: Nos t'ei pa otro
Koro: nos lo haña otro (2X)

Empatia ta nos idioma i kompashon nos kódigo
Kos t'ei sende
Amor i alegria

Koro: den e ret humano akí
Koro: t'ei brota awe

Nos server ta karnaval
E puntonan di konekshon ta e karnavalista

Koro: den goso
Paden òf pafó

Koro: di e marcha E hòtspòt

Yamá na papiamentu, na bon papiamentu

Koro: Skina kayente

Koro: Ban konektá

Den Instagram humano

Koro: Ban konektá

Via e señal di amor

Koro: Ban konektá

Koro: esta dushi ta konektá

Awor a yega e ora di

Koro: sende

Karnavalista

Koro: sende

Den kaya nos t'ei

Koro: sende

Prepará bo awor pa ora tur hende a sende awe

Koro: Sende bo skina kayente

Pa bo konektá awe na e dushi ambiente eh ehhhhhh

Pa esnan ku no tin data awe

Pa buta status nan alegre

Bini bini bini bini bini bin bin tende

Pa bo haña TikTok TikTok TikTok di tumba

Koro: Den karnanet (4X)

Ambiente tin

Goso tin

Alegria tin

Ban traha backup

Koro: Back back back backup pa proteh'é ban traha

backup(2X)

Koro: Download e(4X)

Tumba di emperador
Ambiente di Roodeweg
I esun di hanchi Polar ehhhhhh
Ehhh ban den kaya

**Koro: Ban konektá
Ban**

Na mentenan briante
Na e desfile elegante
Abo ku bo dushi
Ban ban pasa bon
Konektá na e amor
Konektá na e kalor
Na e stèntnan kant'i kaya
Ku ta sisiti e dushi stoma
Yega serka pa bo bin
Hala serka pa bo bin
Na trailer di Gentz
Na e dushi emoshon
Na e tumba ganadó
Na amor di e kosedó

Koro: hesusei

Hepa tin desunion

Karnanet a kai afó
Pa nos rekonektá
Brasa bo ruman

Koro: Den skina kayente

Bras'e bras'é
Konektá na dje
Bras'é bras'é
Pa bo keda pa bo bai
Download download
Download download download

Ban konektá

Djamars anochi
Or'i kima e momo
Mi hemut ta yena
Mir'e desfile desaroyá

Kurasonnan dushi
P'é bai den nubia
Pa mundu sintié
Pa mundu gos'é

Splikashon:

Karnanet = Karnaval un ret di hende

No mester di Google = Entre hende ku hende ta logra tur kos

*Empatia ta nos idioma I kompashon nos kódigo =
Kòmputer su idioma ta 0 ta 1 di hende ta Empatia,
kòmputer ta usa kódigo pa traha wèpsait, hende ta traha
wépsait ku e kódigo kompashon*

*Paden òf pafó = Puntonan di konekshon riba telefòn bo
hotspot personal*

*Sende ta un papiá popular pa bisa ku nos ta bai bira on
(sendé)*

*Outor de Letra: Milangelo "Oko" Dap
Outor di Melodia: Milangelo "Oko" Dap
Areglista: Derrel "Titi" de Palm /
Dwight Leoneta
Kantante: Ivanhoe "Skuri" Willems
Agrupashon: Gentz Tre'Chic*

E dekreto nashonal

Koro: Tende ki e tei bisa
Tende ki e tei bisa
Tende ki e tei bisa
Tende ki e tei bisa

Preg: Den su disertashon
Tende ki tei bisa
Den su disertashon
Ta su regla, stipulá

A bira kustumber, un tradishon
Ne aperture di fiesta nashonal
Ora rei ta lesa su dekreto
Pa nos sa kiko te mandato, eksigensia o deseo
Pa drenta dje porta grandi
Ke protokòl di ambiente maksimo
Ke aña ki nos karnaval
Si bon tin nada di do

Koro: Di nos karnaval
Koro: Rei ta anunsiá
Koro: Ta dediká na do
Koro: Rei di ba keda fó, afó

Koro: Tende ki e tei bisa
Tende ki e tei bisa

Preg: Den su disertashon
Ta su regla, stipulá

Ta un tratado di derecho
Ku tur nòmber registrá
Ku dirèkt a drenta na vigor
Pa tempu indefiní

Ku bo tende nòmber
Of bo Profeshon
Músiko, deportista
Nabo eta dediká

Koro: Pasa drenta
Pasa numa
Pasa drenta
Pasa numa

Gosadó, Kosedó, fèrfdó, limpiadó,
 Miradó, papiadó, bistidó, bromadó,
 nan

Koro: Asina rei a yama tur e do

Rei ma keda fó
 Pero bo falta un kantadó
 Mi por pone dushi ambiente
 Si bo lagami kanta
 Pa respetá dekreto di rei

Koro: Mi ta mande den do

Koro: Mi ta mande den do...2x

Preg:Basta mino keda fó
 Mi ta kanta pabo so
 Pé ambiente di karnaval bai sera
 Lo mi hasie ku tantu amor

Koro: Mi ta mande den do

Koro: Reiyo, Reiyo
 Reiyo, Reiyo,
 Reiyo , Reiyo, ...Bin ku bo Do, paso tin meste hopi Do, Lagasá ki ta
 bo Do, Paso tin meste hopi Do

Koro: Awe tin fieta den kaie Shonari,
 Riku, pober, no ta importa

**Sodó di Do a baña tera, pa karga I hiba País dilanti, un ku un ta do(s),
 hopi Do por hasi ko (s)**

Preg:E aña'ki
 Nos karnaval
 E aña'ki
 Bini ku bo do
 Rei a bisa
 Den su dekreto nashonal
 Rei a splika

Koro: Na Do
 Na Do

Preg: Pabo bini ku bo do
 Ku nan sodo di frenta
 Nan a muh'e rais di Kòrsou
 Hende nan ku norma l balor
 Ku nos suela na kurason
 T'un bendishon di ariba,
 huz'e positvo
 Estu'n dushi vibra
 Ku ta trese alegria
 Awe ta kanta
 E dekreto na e Pueblo
 Ami ta kanta
 Te saki ta mi do
 Te saki ta e fiesta
 Ku rei a dediká

Koro: Na Do

Kick; Rei di forma'un rei
 Laga nos tra nos rei
 Un tras di otro
 Ku man na skouder
 Awor ban dilanti
 Ban dal un rònchi
 Ate rei di ambiente
 Pèrta, pusha, drenta

Koro: Bini, bini
 Pega
 Bini, bini
 Pega
 Ban, ban, ban, ban
 Ban, ban, ban, ban
 Ban, ban, ban, ban
 Ban, ban, ban, ban

Bailado,...3x

Koro: Baila ku bo do, Gosa ku bo do..2x

Preg: Ami tin un do

Koro: Shondo
 Ta dedika na do

Tira sunchi pa simbolisá e amor

Koro: Tira sunchi ku bo do, sunchi ku bo do
 Brasa kubo do, Brasa ku bo

Outor de Letra: Hendrik de Windt
Outor di Melodia: Hendrik de Windt
*Areglista: Dwight Leoneta/
Angelo "Borrel" Dopwell*
Kantante: Luis Moka
Agrupashon: Gentz Tre'Chic

Sòpi Purá

Awendia tur kos tin ku bai
bida modernu ta bai
si bo'n buta bo mes na prim
lo bo kai atras

purá purá
purá purá
purá purá
purá purá

Mi por kompronde parti dje pensamentu
desaroyo ta bai, riba un speed haltu.
medisina i ekonomia ta sigi desaroya
siensia y teknologia no ta keda 'tras

Ma ora trata nos kultura i nos karnaval
nos kreatividad ku no konose final
nos folklor
ku pa nos tin hopi balor.
teseï nos tei selebrá, i e no por bai purá

i por fin e dia yega
Kòrsow ta kla pará
ya tumba ta zona
pa nos bai marcha

ya ya
ya ya
ya ya
ya ya
ya ya
ya ya

tur kos ta kla
no tin purá
no hansha bo bida
sin pusha of pèrta
no rank'e marcha
rib'un sosega



paso mi sa
paso bo sa
tur hende sa
yu'i Kòrsounan sa

estribillo:

no bin purba hansha karnaval
of bin purba ranke marcha
kòrsou no por gosa rib'un hansha
tur añ' di nobo nan ta purba

tin ke pe bai
nan ke ranke
karnaval tin ku bai

paso nos ke bai
sin tin pura
laga mi gosa
anto sin hansha
nos ta bai karnaval
riba un rust
pa mi baila
i pa mi gosa
djadumingu
meskos djamars
tuma bo tempu
sino mi ta dwars

bo ranké,
bo pushé,
bo hanshé,
ki ku bo hasi,

sopi pura,ta sali salu

sopi pura, ta sali salu
sopi pura,ta sali salu
sopi pura,ta sali salu

purá purá
purá purá
purá purá
pero nos no tin pura

sosegá
sosegá

mi ta wanté
mi ta wanté
mi ta wanté
mi ta wanté (5x)



paso nos ta bai
lage bai
lage kana

sosegá
sosegá
sosegá

Mambo:

*Outor de Letra: Hendrik de Windt
Outor di Melodia: Hendrik de Windt
Areglista: Dwight Leoneta
Kantante: Ryanor "RAEY" Lauffer
Agrupashon: Gentz Tre'Chic*

E sinfonia di bida

Bo ta sinti un kos or'e ritmo dal bo.
Bo ta sinti un kos, sinti e vibrashon
na mundu i universo tur kos tin su ritmo.

Bo kurason...tin su ritmo
Bida diario...tin su ritmo
Kambio di klima...tin su ritmo
Tur muzik...tin su ritmo

Pa por tin un balansa, naturalesa a perkurá
ku tur kos mester kana, riba e ritmo apropiá.
Fo'i ora solo sali, te ora ku e baha
te muestra ku un dia, tin su ritmo p'e kana.

Bo ta sinti un kos or'e ritmo dal bo.
Bo ta sinti un kos, sinti e vibrashon

Nos Karnaval
SikloCyclo di bida
Astronomia
Kada kreashon | Tin Su Ritmo.

Ai ai aijai
e ritmo di nos kurpa
i'e melodia di nos mente,
e harmonia den nos alma,
nan tur huntu ta forma e sinfonia di bida.

Kada hende tin su ritmo, esei ta hasibu uniko
i nos tumba ta perkurá, pa tur ritmo sinkronisá.
i n'e baila bo ta mira kon...
e ritmo dje zoyá, ta marka e hende su anda.

Estribillo:

E ritmo dje zoyá, ta marka e hende su anda
E ritmo dje zoyá, ta marka e hende su anda

E yu'i Kòrsou, bo ta mir'é, rekonosé, bo ta sinti'e (Dimes)
Kiminá kiminá kimina rib'e ritm'i tumba nos ta zoya den marcha
Ora ambiente hala sera ta ken por ku nos

Koro Bo ta sinti un kos:

Ora e ritmo dalbu

Sinti e vibrashon
Buta bu baila
Buta bu gosa

Sanger ta kushi
Kurpa ta hinka
Hasi bu loko
Ai ki emoshon

Ora e ritmo di bida kambia, bo no tin ku bringe
Tuma mi konseho: Baila rib'e dje

Koro: Será será, den ritmo



Awel dal e ritmo e pa mi
Pa mi pueblo gosa awor
Un bia mas
Pa nos los laga bai
Rib'e ritmo di tumba
Nos Ritmo di bida
Ai esta dushi
Baila ban pariba
Un ambiente sin igual
Esei ta Nos Karnaval
E tumba 'ki ta dal
Di komienso te final
Asina e ta zona
Asina e ta bai
E banda ta pasa
E grupo ta bai

Pre-kick: Den ritmo

Kick